



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Ravennatensi Archiepiscopo.

**urn:nbn:de:hbz:466:1-20006**

nirūs arceremus, cūm ipse ea longo temporis spatio posse dixerit. Vos autem ē contrario dicebatis ea de jure vos debere percipere, eō quōd ea vobis concesserant Episcopi Spoletani, & eorum concessio per Romanum Pontificem fuerat confirmata, & quia possessio Episcopi fuerat interrupta. quæ tam per testes inductos quam per instrumenta exhibita probabantur. Nos itaque in hac quæstione considerantes proposita & probata, vos à petitione Episcopi duximus absolvendos. Sextam autem illud sibi vendicat quæstionem, quōd Episcopus repetebat à vobis omnia jura episcopalia quæ vos perceperitis ex quo fuit Episcopus in plebato sancti Gregorij, quæ sibi dicebat competere tam de jure communii, scilicet cūm plebatus in sua sit diocesi constitutus, quam ratione possessionis longævæ. quod vos denegabatis, dicentes jura episcopalia vobis per Spoletanos Episcopos de ipso plebato fuisse concessa, & ipsorum concessionem esse per Romanum Pontificem confirmatam. quod evidentissimè per instrumenta Episcoporum exhibita ex parte vestra probabatur. Nos verò in hoc articulo intellectis probatis, vos & Ecclesiam sancti Gregorij ab impietate Episcopi super jure episcopali plebatus sancti Gregorij duximus absolvendos, eidem Episcopo super his perpetuum silentium imponentes. Septimo loco Episcopus Ecclesiam sancti Savini in civitate sitam repetebat à vobis. Super qua petitione per probationes ex parte vestra exhibitas Episcopum condemnamus. E contrario postulabatis quicquid percipiebat de Egio Episcopus supradictus, quod idem Episcopus denegabat, dicens se ipsum villæ decimas longo tempore possedit. Sed probatum fuit possessionem ipsam fuisse aliquando interruptam, & Ecclesiam sancti Angeli in ipsa villa sitam per privilegia Spoletanorum Episcoporum pertinere ad Ecclesiam sancti Gregorij constituit manifestè. Quia verò secundum statuta canonica rationabiliter esse noscitur institutum de decimis quatuor fieri portiones, quarum una Clericis, secunda Episcopo, tertia fabricæ, quarta vero pauperibus conferatur, unam quartam illius decimæ Clericis debitam vobis nomine capellæ sancti Angeli de Egio, quæ vobis est subdita, per sententiam judicamus, quartam alteram Episcopo decernentes. Alias vero duas quartas, quarum una fabricæ, & alia pauperibus debet dari juxta

canonicas sanctiones, dispositioni Episcopi reservamus, ita tamen ut eas secundum approbatam consuetudinem diocesis Spoletanae debeat fideliter dispensare, quoniam ex illis rationem est in divino examine redditurus. Proponebatis etiam mortuaria de Ecclesia sancti Savini extra civitatem posita ad vos de jure spectare. quod Episcopus denegabat. super quo vos decrevimus condemnandos. Synodaticum tamen vobis duximus decernendum, quod ex concessione pontificali ad vos dinoſciatur pertinere. Repetebatis etiam ab Episcopo duos calices argenteos, quos vos prædecessori suo M. nomine commodaſtis. quod Episcopus denegabat, afferens unum calicem prædecessori suo pro cuiusdam cause salario à vobis fuisse donatum. Quia verò probatur à vobis alter calix Episcopo commodatus, alter verò sine patena pro salario Episcopo fuisse collatus per probationes exhibitas apparebat, ipsum Episcopum in restitutione unius calicis commodati duximus condemnandum, eum super petitione alterius absolventes. Impetebatis insuper Episcopum super quinque modiolis terra in podio sitæ, quam dicebatis ad vestram Ecclesiam sancti Gregorij pertinere. Sed quia vos nihil ad proprietatem pertinens probabatis, cūm fuisse petitorum intentatum, Episcopum à petitione vestra decrevimus absolvendum. Nulli ergo &c. Datum Laterani VI. Non. Martij.

Ravennatenſi Archiepiscopo.

Ep. 6.  
De translatione  
Episcopi Imo-  
leus ad Eccle-  
siam Ravenna-  
ensem. Assata quondam tam postulatione tua, quia fuerat in discordia multa facta, quam electione dilecti filii nostri S. tituli sanctæ Praxedis Presbyteri Cardinalis, quia eum magis Ecclesiæ Romana quam Ecclesiæ Ravennatenſi dileximus, non admissa, dilecti filii Ravennatenſes Canonici, quorum quidam in te, quidam in Cardinalem eundem prius contulerant vota sua, juxta formam mandati nostri convenientes in unum, ut super electione tractantes Ecclesiæ consulerent viduatæ, post deliberationem diuturnam, in te unanimiter convenerunt à sede apostolica postulandum. Cùmque postulationem eorum dilectus filius Io. de Curviaco, & P. Io. Canonici Ravennat. & L. Abbas sancti Severi & nobiles viri P. Traversarius Potestas Ravennas & Comes Malvici-nus tam per se quam per illorum literas nobis humiliter praesentassent, petierunt

Tuppliciter ut postulationem eandem approbare de solita sedis apostolicae mansuetudine dignaremur, & largiri tibi licentiam transeundi. Nos igitur attendentes quod Ecclesia Ravennas quasi primogenita filia sit apostolicae sedis, & eadem ordinationem & formam Ecclesiae ferè præ ceteris imitetur, postulationem eandem de consilio fratrum nostrorum admisimus, tibi licentiam concedentes ab Ecclesia Imolensi ad Ravennatensem metropolim transeundi. Ceterum nuntij memorati gratiam ex gratia vel post gratiam potius humiliiter requirentes, propter multiplices necessitates Ecclesiae Ravennatensis, quæ pluribus est debitis aggravata, cum infantia petierunt ut fraternitati tuae palleum, videlicet insigne plenitudinis pontificalis officij, mitteremus. Licet autem prædecessores tui vel confirmationis munere, vel gratia consecrationis, vel ornatu pallei confueverint apostolicam sedem personaliter visitare, propter necessitatem tamen oppressionis quam patitur Ecclesia memorata, & sterilitatem temporis, quam non urbs solummodo, sed & magna pars orbis cum urbe deplorat, per dilectum filium R. Subdiaconum & Capellanum nostrum, nobis & fratribus nostris merito sua probitatis acceptum, palleum tibi de multa gratia destinamus, per nuntium ipsum juxta formam nostram, quam sub bulla nostra dirigimus, conferendum. Ne autem ex gratia quam tibi & Ecclesiae Ravennatensi causa necessitatis impendimus, antiqua consuetudo vacillet, & in te, quod abis, exceptionem inveniat quod in prædecessoribus tuis generaliter dicitur hactenus observatum, fraternitati tuae per apostolica scripta mandamus atque præcipimus quatinus usque ad annum post susceptionem pallei nostre te conspectui repre-sentes, ut quod de fidelitate apostolicae sedi servanda in præsentia nuntij nostri firmaveris juramento, profitearis apud sedem apostolicam viva voce. Tu ergo taliter ei-dem Ecclesiae præesse studeas & prodeſſe quod per tuae sollicitudinis studium tam in spiritualibus quam temporalibus auctore Deo suscipiat incrementum. Datum Laterani VI. Idus Martij.

*Scriptum est in eundem ferè modum suffraganeis Ecclesiae Ravennatensis usque viva voce. Monemus igitur universitatem vestram & exhortamur attentiū, & per apostolica scripta mandamus quatenus eidem Archiepiscopo tanquam Metropolitanano ve-*

stro debitam exhibeatis reverentiam & honorem, & taliter assistatis eidem quod & ipse in vobis experjatur filialis devotionis affectum, & vos sentiatis in eo paternæ viscera pietatis. Datum ut suprā.

*Scriptum est in eundem ferè modum Capitulo & universo Clero Ecclesiae Ravennatensis usque reverentiam & honorem, & salubria monita & mandata ipsius recipiatis humiliiter, & inviolabiliter observetis. Datum ut suprā.*

*In eundem ferè modum Potestati & populo Ravennatensi.*

*Magistro Simoni de Melu Canonico Herfordensi.*

**T**ua nos duxit discretio consulendos filiolam patris sui vel matris procedente tempore sibi posuit matrimonialiter copulare, & si cum ea contraxerit & pluribus annis simil permanerint, an postea debeat separari. Quæsivisti etiam an conscijs talis matrimonij teneantur illud in publico accusare. Super quo discretioni tuae taliter duximus respondendum, quod hujusmodi personæ matrimonium non possunt contrahere, & si contraxerint, de rigore juris possunt ab invicem separari; & qui contractum sciverint, debent illud Ecclesiae nuntiare. Datum Laterani XV. Kal. Aprilis.

*Prenestino Episcopo apostolicae sedis Legato.*

**P**er tuas nobis literas intimasti quod cum N. Magdeburgensem Archiepiscopum ad tuam præsentiam evocasses, ipse per nuntium suum proprij corporis infirmitatem allegans, se a labore itineris excusavit, & iterum evocatus hostilitatis impedimenta prætendit, & sic nec primò nec secundò ad te vocatus accessit. Tu verò ipius honoris volens & honestati deferre, ut apud Corbeiam, quæ non multum distabat, tibi occurreret, per tuas ei literas mandavisti. Cumque spe de ipsis adventu conceperat. Corbeiam accessisses, ipse, sicut semel & iterum, sic tertio etiam in tua noluit præsentia comparere. Propter quod in eum, utpote contumacem, excommunicationis sententiam promulgasti, quam ipse nullatenus obser-vavit. Verum Archiepiscopus idem per suas nobis literas intimavit quod cum proper prædictas causas se semel & iterum excufasset, & tu ei tandem ut Corbeiam accederet mandavisses, quia locus ipse ad jurisdictionem hostium pertinebat,

H H h iij

*Epiſt. 7.  
Filii duorum  
compatrium nō  
possunt jungi  
per matrimonium.*

*Cap. 7. de cog-  
nat. spirit.  
In tercia col-  
lectione & a-  
pud Gregor. 9.  
legitur: filians  
compatrii vel  
commatrii.*

*Epiſt. 8.  
Mandat ei ut  
Archiepisco-  
pum Magde-  
burgensem ab-  
solvat ad cau-  
telam.*